

"SUVMASH" акциядорлик жамияти  
акциядорларининг 2022 йил 27 июндаги  
йиллик умумий йиғилиши қарори билан  
**"ТАСДИҚЛАНГАН"**  
(2022-йил 27-июндаги №1-сонли баённома)



**"SUVMASH"**  
**Акциядорлик жамиятининг**  
**Кузатув кенгаши ҳақидаги**  
**Низом**

Тошкент шаҳри – 2022 йил

## 1. Умумий қоидалар

1.1. Мазкур Низом "SUVMASH" акциядорлик жамиятининг (кейинги матнларда Жамият деб юритилади) Кузатув кенгашини ташкил этиш ва унинг фаолият тартибини, аъзоларини сайлашни, шунингдек уларнинг ҳуқуқ ва мажбуриятларини белгилайди.

1.2. Низом "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон Республикасининг 2014 йил 6 майдаги ЎРҚ-370 – сонли Қонунига, Жамият уставига ва бошқа меърий-ҳуқуқий ҳужжатларга мувофиқ ишлаб чиқилган.

1.3. Жамиятнинг кузатув кенгаши жамият фаолиятига умумий раҳбарликни амалга оширади, "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон Республикасининг 2014 йил 6 майдаги ЎРҚ-370 – сонли Қонун ва Жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

## 2. Кузатув кенгашининг ваколатлари

2.1. Кузатув кенгаши ваколатига қуйидагилар киради:

- жамиятнинг бизнес-режаси кўрсаткичлари бажарилиши, шунингдек, ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йиғилишларини чақириш, Қонунда назарда тутилган ҳоллар мустасно;
- акциядорлар умумий йиғилишининг кун тартибини тайёрлаш, ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш ва иштирок этиш учун жамият акциядорларининг реестрини шакллантириш санасини белгилаш;
- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш масалаларини акциядорларнинг умумий йиғилиши ҳал қилиши учун киритиш;
- мол-мулкнинг бозор қийматини белгилашни ташкил этиш;
- жамиятнинг йиллик бизнес-режасини маъқуллаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим;
- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;
- жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- жамиятнинг тафтиш комиссияси аъзоларига тўланадиган ҳақ ва компенсацияларнинг миқдорлари юзасидан тавсиялар бериш;
- дивиденд миқдори, уни тўлаш шакли ва тартиби юзасидан тавсиялар бериш;
- жамият захира фондидан ва бошқа фондларидан фойдаланиш;;
- жамиятнинг филиалларни ташкил этиш ва ваколатхоналарини очиш;;
- жамиятнинг шўъба ва тобе хўжалик жамиятларини ташкил этиш (улар акциядорлик жамияти ёки масъулияти чекланган жамияти шаклларида тузилади);
- қимматли қоғозлар чиқарилиши тўғрисидаги қарор ва эмиссия рисоласини тасдиқлаш;
- аввал рўйхатдан ўтказилган қимматли қоғозлар чиқарилишларига ўзгартириш ва (ёки) қўшимчалар киритиш;
- конунчиликда белгиланган ҳолларда жамият томонидан йирик битимлар ва жамият аффилиланган шахслари билан битимлар тузиш тўғрисида қарор қабул қилиш;

- жамият бош директорининг ваколатлари муддатидан илгари тугатилган тақдирда, унинг вази­фасини вақтинча бажарувчини тайинлаш;

- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш.

- жамиятнинг ижроия органига тўланадиган ҳақ ва (ёки) компенсациялар миқдорларини белгилаш, шунингдек, кўрсатилган тўловларнинг чегараси миқдорини Ўзбекистон Республикаси Вазирлар Маҳкамасининг 28.07.2015 йилдаги 207 – сонли қарори билан тасдиқланган “Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисида”ги қарори билан белгиланган самарадорликнинг муҳим кўрсаткичларига боғлаган ҳолда белгилаш;

- ҳомийлик (хайрия) ёки беғараз ёрдам кўрсатиш (олиш) тўғрисида қарорларни фақат акциядорларнинг умумий йиғилиши томонидан белгиланган тартиб ва шартлар асосида, шунингдек, қонун ҳужжатларида белгиланган доирада, бу ҳақда барча акциядорлар учун маълумотларни ошкор этган тарзда қабул қилиш;

- қонун ҳужжатларига мувофиқ бошқа масалаларни ҳал этиш.

2.2. Жамият қузатув кенгашининг ваколат доирасига киритилган масалалар ҳал қилиш учун Жамиятнинг ижроия органига ўтказилиши мумкин эмас.

### **3. Қузатув кенгаши аъзоларини сайлаш**

3.1. Жамият қузатув кенгашининг аъзолари "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон Республикасининг 2014 йил 6 майдаги ЎРҚ-370 – сонли Қонунда ва Жамият уставида назарда тутилган тартибда акциядорларнинг умумий йиғилиши томонидан уч йил муддатга сайланади.

3.2. Жамиятнинг қузатув кенгаши таркибига сайланган шахслар чекланмаган тарзда қайта сайланиши мумкин.

3.3. Тафтиш комиссияси ва Жамиятнинг яққа бошчилик асосидаги ижроия органи аъзолари Жамиятнинг қузатув кенгашига сайланиши мумкин эмас.

3.4. Жамиятда меҳнат шартномаси (контракт) бўйича ишлаётган шахслар Жамиятнинг қузатув кенгаши аъзоси бўлиши мумкин эмас.

3.5. Жамият қузатув кенгаши таркибига сайлаш учун номзодларга қўйиладиган талаблар Жамият устави ёки акциядорларнинг умумий йиғилиши қарори билан белгилаб қўйилади.

3.6. Жамият қузатув кенгашининг сон таркиби Жамият устави билан ёки акциядорлар умумий мажлиси қарори билан белгиланади ва тоқ бўлади.

3.7. Қузатув кенгаши таркиби беш кишидан иборат бўлиб, уч йил муддатга сайланади.

3.8. Жамият қузатув кенгаши аъзоларини сайлаш кумулятив овоз бериш йўли билан амалга оширилади.

3.9. Кумулятив овоз беришда ҳар бир акциядорга тегишли бўлган овозлар сони жамиятнинг қузатув кенгашига сайланиши керак бўлган шахслар сонига кўпайтирилади ва акциядор шу тарзда олинган овозларни тўлиқ Жамият қузатув кенгашининг бир номзодига беришга ёки овозларини икки ёки ундан кўп номзодлар ўртасида тақсимлашга ҳақлидир.

3.10. Овозларнинг энг кўп сонини олган номзодлар қузатув кенгаш таркибига сайланган деб ҳисобланади.

### **4. Қузатув кенгаши раиси**

4.1. Жамият қузатув кенгаши раиси қузатув кенгаши аъзолари томонидан унинг таркибидан қузатув кенгашига сайланган аъзолар умумий сонининг кўпчилик овози билан сайланади.

4.2. Жамиятнинг қузатув кенгаши ўз раисини қузатув кенгаши аъзолари умумий сонининг кўпчилик овози билан қайта сайлашга ҳақли.

4.3. Жамиятнинг қузатув кенгаши раиси унинг ишини ташкил этади, қузатув кенгаши мажлисларини чақиради ва унга раислик қилади, мажлисларда протокол юритилишини ташкил этади, акциядорлар умумий йиғилишини очади ва уни Хайъати таркибига киради, яққа

бошчилик қилувчи ижро этувчи орган (бош директор) билан тузилган шартномаларни жамият номидан имзолайди.

4.4. Жамият кузатув кенгашининг раиси йўқ бўлган ҳолларда унинг вазифасини кузатув кенгаши аъзоларидан бири бажаради.

## 5. Кузатув кенгаши мажлиси

5.1. Жамият кузатув кенгашининг мажлиси кузатув кенгаши раисининг ўз ташаббуси билан, кузатув кенгаши, тафтиш комиссияси аъзоси, жамиятнинг ижро этувчи органи, шунингдек Жамият уставида белгиланган бошқа шахсларнинг талабига кўра чақирилади. Кузатув кенгашини чақириш ва уни ўтказиш тартиби Жамиятнинг устави ва мазкур низом билан белгиланади.

5.2. Жамиятнинг бир фоиздан кам бўлмаган оддий акциялари эгалари кузатув кенгаши мажлисини чақиришни талаб қилиш ва кун тартиби юзасидан таклиф киритиш ҳуқуқига эга.

5.3. Кузатув кенгаши мажлисини ўтказиш учун кворум Жамият уставида белгиланади, лекин у кузатув кенгашига сайланган аъзолари умумий сонининг 75 (етмиш беш) фоиздан кам бўлмаслиги керак.

5.4. Кузатув кенгаши аъзолари сони уставда назарда тутилган 75 (етмиш беш) фоиздан кам бўлиб қолган ҳолларда кузатув кенгашининг янги таркибини сайлаш учун Жамият акциядорларнинг фавқулудда (навбатдан ташқари) умумий йиғилишини чақиришга мажбурдир. Кузатув кенгашининг қолган аъзолари фақат акциядорларнинг ана шундай фавқулудда (навбатдан ташқари) умумий йиғилишини чақириш тўғрисида қарор қабул қилишга ҳақлидир.

5.5. Жамият кузатув кенгаши мажлисидаги қарорлар мажлисда қатнашаётганларнинг кўпчилик овози билан қабул қилинади, керак бўлган тақдирда сиртдан овоз бериш ўтказилади.

Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади. "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон Республикасининг 2014 йил 6 майдаги ЎРҚ-370 – сонли Қонун 18-моддасининг иккинчи ва тўртинчи қисмларида кўрсатилган масалалар бўйича қарор Жамият кузатув кенгаши томонидан бир овоздан қабул қилинади.

5.6. Жамият кузатув кенгаши томонидан давлат вакилининг иштирокисиз қабул қилинган қарорлар, шунингдек вето қўйилган қарорлар ижро этилмайди.

5.7. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йўл қўйилмайди.

5.8. Жамият кузатув кенгаши аъзоларининг овозлари тенг бўлган тақдирда кузатув кенгаши томонидан қарор қабул қилишда Жамият кузатув кенгаши раиси ҳал қилувчи овоз ҳуқуқига эга.

5.9. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида куйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлиснинг кун тартиби;
- овоз беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

5.10. Жамият кузатув кенгаши мажлисининг баённомаси мажлисда иштирок этаётган Жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

5.11. Мажлисда кузатув кенгаши аъзолари видео ва аудио ускуналари орқали конференция алоқаси ёрдамида иштирок этиши мумкин, бунда уларнинг овозлари қарор қабул қилиш учун сиртдан берилган деб ҳисобланмайди.

5.12. Жамият кузатув кенгашининг қарорлари мажлис чақирилмасдан (мажлис кун тартибига киритилиб овозга қўйилган масалаларни кузатув кенгаши аъзолари биргаликда йиғилиб муҳокама қилмасдан) сиртдан овоз бериш йўли билан (сўров йўли билан) Жамият

кузатув кенгашининг барча аъзолари томонидан бир овоздан қабул қилиниши мумкин. Бундай овоз бериш, берилётган ва қабул қилинаётган хабарларни аслига мувофиқлигини таъминловчи ва буни ҳужжатлар билан асословчи, почта, телеграф, телетайп, телефон, электрон ёки бошқа алоқа воситалари ёрдамида амалга оширилиши мумкин.

5.13. Жамият кузатув кенгаши мажлисининг баённомаси имзоланган куни Жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот Жамиятнинг ижроия органига кузатув кенгашининг мажлиси ўтказиладиган куни топширилади.

5.14. Кузатув кенгаши аъзоларининг ва ижроия органининг фаолияти туфайли Жамиятга зиён етса улар солидар жавобгар бўладилар.

5.15. Кузатув кенгашининг фаолияти Жамият устави ва мазкур низом билан белгиланади.

## **6. Кузатув кенгаши аъзоларининг ҳуқуқ ва мажбуриятлари**

6.1. Кузатув кенгаши аъзоси қуйидаги ҳуқуқларга эга:

- кузатув кенгаши мажлисида шахсан қатнашиш, йиғилишда муҳокама қилинаётган масала юзасидан регламент билан ажратилган вақт доирасида сўзга чиқиш;
- аниқ бир давр учун акциядорлик Жамиятининг тижорат ва ишлаб чиқариш-хўжалик фаолиятининг асосий кўрсаткичлари ҳақида, шу давр учун ишлаб чиқариш ва молияга оид тўлиқ ва ишончли ахборотларни, уни ривожлантириш режалари ҳақида ахборот олиш;
- кузатув кенгашида ишлаганлик учун (агар тақдирлаш пули тўлаш Жамият акциядорларининг умумий йиғилиши қароридан назарда тутилган бўлса) тақдирлаш пули олиш, муайян вазифани бажара туриб.

Кузатув кенгаши аъзолари ўртасида вазифаларни тақсимлаш кузатув кенгаши раиси томонидан кузатув кенгашининг ҳар бир аъзоси учун аниқ амалга оширилади. Кузатув кенгашининг ҳар бир аъзоси учун тақдирлаш пули миқдори акциядорлар умумий йиғилиши томонидан белгиланади.

6.2. Кузатув кенгашининг Жамият битишув тузишидан манфаатдор бўлган аъзоси ўз манфаатдорлиги тўғрисида кузатув кенгашига битишув тузилиши пайтигача маълум қилиши шарт, битишув тўғрисидаги қарор эса кузатув кенгаши томонидан, қонунда назарда тутилган ҳолларда, бундан манфаатдорлиги бўлмаган кузатув кенгаши аъзолари ёки акциядорларнинг кўпчилиги овози билан акциядорларнинг умумий йиғилиши томонидан қабул қилинади.

6.3. Кузатув кенгаши аъзолари, агар улар, уларнинг эр-хотинлари, ота-оналари, болалари, ака-укалари, опа-сингиллари, шунингдек уларнинг аффиляция қилинган барча шахслари:

- бундай битишувнинг томонлари ҳисоблансалар ёки унда вакил ёки воситачи сифатида қатнашсалар;
- битишувларнинг томони ҳисобланган ёки унда вакил ёки воситачи сифатида қатнашадиган юридик шахснинг йигирма ёки ундан кўп акциялари (улушлар, пайлари) фоизига эга бўлсалар;
- битишув томони ҳисобланган ёки унда вакил ёки воситачи сифатида қатнашадиган юридик шахснинг бошқарув органларида лавозимни эгаллаб турган бўлсалар, шахсий манфаатдорликка эга ҳисобланадилар.

6.4. Кузатув кенгаши аъзолари кузатув кенгаши томонидан у ёки бу қарорларни қабул қилишга таъсир кўрсатганлик учун бевосита ёки билвосита ҳақ олиш ҳуқуқига эга эмас.

6.5. Кузатув кенгаши аъзолари акциядорлик Жамияти имкониятлари (мулкӣ ва номулкӣ ҳуқуқлар, хўжалик фаолияти соҳасидаги имкониятлар, акциядорлик жамиятининг фаолияти ва режалари тўғрисидаги ахборот)дан шахсий бойлик орттириш мақсадида фойдаланиш ҳуқуқига эга эмас.

6.6. Кузатув кенгаши аъзолари ўзларининг лавозим мажбуриятларини ҳалол, шунингдек акциядорлик Жамияти манфаатлари йўлида улар энг яхши деб ҳисоблайдиган усул билан амалга оширишга мажбурдирлар.

## 7. Кузатув кенгаши аъзоларининг жавобгарлиги

7.1. Жамият кузатув кенгашининг аъзолари акциядорлик Жамияти олдида қонун ҳужжатларига ва Жамият уставига мувофиқ жавоб берадилар.

Бунда овоз беришда қатнашмаган ёки Жамиятга зарар етказувчи қарорга қарши овоз берган жамият кузатув кенгаши аъзолари жавобгарликдан озод қилинади.

7.2. Жамият ёки Жамиятнинг жойлаштирилган оддий акцияларининг умуман олганда камида бир фоизига эга бўлган акциядор (акциядорлар) Жамиятга етказилган зарарларни қоплаш тўғрисида кузатув кенгаши аъзосига нисбатан даъво билан судга мурожаат қилишга ҳақлидир.